

Atxagaren gidoia eta narrazioa dituen bertso trama egingo da gaur Gasteizen

Jon Maia, Igor Elortza, Andoni Egaña eta Jon Sarasua ariko dira, musika eta guzti

Luis Karlos Garcia / Gasteiz

Bertso trama berezia egingo da gaur Gasteizen: Jon Maiak, Igor Elortzak, Andoni Egaña eta Jon Sarasuak kantatuko dute; Bernardo Atxaga ariko da gidoigile eta narratzaile; eta gainera, Josu Zaballak, Bingen Mendizabalek, Naiara Eizagirrek eta Alex Ruiz de Azuak musika jarriko dute.

GASTEIZKO Principal antzokian da hitzordua, gaueko 20:30etan. *Zer da emakume-ek gehien maite dutena?* izenburuko saioa ikus-entzuteko abagunea izango da. Araba Euskarazen aldeko ekitaldie-tako bat da, eta antolatzaile-en iritziz, nagusietako bat ere bai: «Bertso tramak egin ohi dira azkenaldion, baina maila honekin egiten den lehenengoa da».

Bertso traman narratzaile



JAGOBA MANTEROLA

Bernardo Atxagak gidoigile eta narratzaile lanak egingo ditu saioan.

batek istorioaren haria darma eta bertsolarietako bakoitzak bere rola egiten du bertsoez baliatuta.

Atxagaren partaidetzaz aparte, Gasteizko zenbait musikaririk jotzen dute. Atxa-

gak Euskal Herriko sorkuntza prozesuetan «herriko kulturatik abiatuta» gertatzen ari diren «berritze proposamenen» garrantzia nabarmendu zuen. Atxagak Erdi-Aroko poeta anglosaxoniar

baten obra hartu du oinarritzat gaurko istorioaren funtsa zehaztean. «Kontalari ariko naiz bertsolariei halako hari orokorra emateko bi gai nagusiren inguruan: maitasuna eta emakumea», esan zuen.

Jexuxmai & Noizbehinka taldeak azken lana aurkeztuko du Pagoarten

■ Mikel Markezen kolaborazioa izan dute

Erredakzioa / Donostia

JEXUXMAI & NOIZ-BEHINKA taldeak bere azken lana aurkeztuko du gaur Oiartzungo Pagoarte aretoan arratsaldeko 20:00etatik aurrera. Taldeak Mikel Markezen kolaborazioa izan du *Ez diren gauzak* diska hone-tan eta kontzertuan izan-go da abeslari bera ere.

Jexuxmai Lopetegi zarautzarraren hirugarren diskak bederatzi kanta biltzen ditu. Aurretik *Jexuxmai & Noizbehinka* eta *Denboratik at* argitaratu zituen.

Letra gehienak Joseba Sarrionaindiarenak izan arren, Andoni Egaña, Koldo Izagirre, Mikel Markez eta Unai Iturriagarenak ere erabili dituzte Jexuxmai Lopetegik eta bere taldeak.